



Broj: 15-11-121-25/20

Datum: 16.06.2020.godine

Na osnovu člana 69. stav (3) Zakona o javnim nabavkama („Službeni glasnik BiH”, broj 39/14), člana 37. stav (2) Zakona o izvršenju budžeta Bosansko-podrinjskog kantona Goražde za 2020.godinu (“Službene novine Bosansko-podrinjskog kantona Goražde”, br.15/19 i 5/20), direktor Službe za zajedničke poslove kantonalnih organa Bosansko-podrinjskog kantona Goražde, **donosi**:

## **ODLUKU**

o poništenju postupka nabavke instalaterskih radova na unutrašnjem opremanju kancelarija na 3. i 4.spratu zgrade Vlade Bosansko-podrinjskog kantona Goražde putem konkurentskog zahtjeva za dostavu ponuda

### **Član 1.**

Poništava se postupak javne nabavke instalaterskih radova na unutrašnjem opremanju kancelarija na 3. i 4. spratu zgrade Vlade Bosansko-podrinjskog kantona Goražde, a zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

### **Član 2.**

Odluka stupa na snagu danom donošenja i objaviće se na web-stranici Vlade Bosansko-podrinjskog kantona Goražde, uz istovremeno upućivanje svim ponuđačima koji su učestvovali u predmetnom postupku javne nabavke, a naknadno će se objaviti i u „Službenim novinama Bosansko-podrinjskog kantona Goražde“.

## **O b r a z l o ž e n j e**

Predmetni postupak nabavke pokrenut je Odlukom direktora Službe za zajedničke poslove kantonalnih organa o pokretanju postupka nabavke instalaterskih radova na unutrašnjem opremanju kancelarija na 3. i 4. spratu zgrade Vlade Bosansko-podrinjskog kantona Goražde putem konkurentskog zahtjeva za dostavu ponuda, br.15-11-121-5/20 od 17.04.2020.godine.

Procijenjena vrijednost nabavke iznosila je 13.044,00 KM.

Obavještenje o nabavci, br.2856-7-3-11-3-1/20 poslano je na objavu dana 30.04.2020.godine, te je istog dana i objavljeno na Portalu javnih nabavki.

Komisija za provođenje predmetnog postupka javne nabavke, imenovana Rješenjem direktora Službe za zajedničke poslove kantonalnih organa, br.15-11-121-6/20 od 17.04.2020.godine, (u nastavku: Komisija) je u svom Izvještaju o radu, br.15-11-121-22/20 od 22.05.2020.godine, utvrdila da su po objavi odgovarajućeg obavještenja o nabavci blagovremeno pristigle 2 (dvije) ponude sljedećih ponuđača: „GORAŽDESTAN“ d.o.o. GORAŽDE i „KAJA-COMPANY“ d.o.o. GORAŽDE, te da su obje ponude formalno-pravno uredne i prihvatljive. Komisija je, istovremeno, izvršila bodovanje prihvatljivih ponuda i preporučila izbor najpovoljnijeg ponuđača.

Međutim, kako je Skupština Bosansko-podrinjskog kantona Goražde, u toku trajanja ovog postupka, na 6. vanrednoj sjednici, održanoj dana 19.05.2020.godine donijela Zakon o dopunama Zakona o izvršenju Budžeta Bosansko-podrinjskog kantona Goražde (“Službene novine Bosansko-podrinjskog kantona Goražde”, br.15/19) gdje je u članu 37. iza stava (1) dodan stav (2), koji glasi: “*Postupci javnih nabavke koji su započeti, a još nisu završeni i za koje su sredstva smanjena u Rebalansu Budžeta Bosansko-podrinjskog kantona Goražde biće otkazani shodno članu 69. stav (3) Zakona o javnim nabavkama Bosne i Hercegovine*”,

te kako je, ovom prilikom, Skupština Bosansko-podrinjskog kantona Goražde svojom Odlukom o izmjenama i dopunama Budžeta Bosansko-podrinjskog kantona Goražde za 2020.godinu smanjila sredstva u Budžetu Službe za zajedničke poslove kantonalnih organa za 2020.godinu, upravo na ekonomskim kodovima sa kojih je trebala biti plaćena predmetna nabavka, odnosno ekonomski kod 613400 – *Nabavka materijala i sitnog inventara* - sa 27.500,00 KM na 20.500,00 KM i ekonomski kod 613700 – *Izdaci za tekuće održavanje*, sa 15.500,00 KM na 10.500,00 KM, to Služba za zajedničke poslove kantonalnih organa poništava predmetni postupak nabavke, a po samoj sili citiranog zakona, kao i iz naprijed navedenih razloga, koji su izvan kontrole ugovornog organa i koji se nisu mogli predvidjeti u vrijeme pokretanja postupka predmetne nabavke.

**POUKA O PRAVNOM LIJEKU:**

Protiv ove Odluke može se uložiti žalba ugovornom organu u pisanoj formi, direktno, elektronskim putem ili preporučenom poštanskom pošiljkom, najkasnije u roku od 5 (pet) dana od dana prijema ove Odluke.

**DOSTAVITI:**

- 1."Goraždestan" d.o.o. Goražde  
Zaima imamovića 20/A, 73000 Goražde;
- 2."Kaja-Company" d.o.o. Goražde  
31.drinske brigade bb, 73000 Goražde;
3. gđa.Aida Obuća, premijer BPK Goražde;
4. Komisiji za predmetnu nabavku;
5. Evidenciji;
6. a/a.



**DIREKTOR**

Merko Karahmetović, dipl.iur.